

Besima Borić,
zastupnica SDP BiH u Predstavničkom/Zastupničkom domu
Parlamenta FBiH

Sarajevo, 28.02.2014. godine

PARLAMENT FEDERACIJE
BOSNE I HERCEGOVINE

- Predstavnički dom**
- n/r gosp. Tome Vidovića, potpredsjedavajućeg
- Dom naroda**
- n/r gosp. Tomislava Martinovića, predsjedavajućeg

Predmet: Prijedlog zakona o izmjenama Zakona o zdravstvenom osiguranju FBiH ("Službene novine Federacije BiH", br. 30/97, 7/02, 70/08 i 48/11) prema hitnom postupku

U skladu sa čl. 11. i 163. Poslovnika Predstavničkog/Zastupničkog doma Parlamenta FBiH, predlažem Prijedlog zakona o izmjenama Zakona o zdravstvenom osiguranju FBiH ("Službene novine Federacije BiH", br. 30/97, 7/02, 70/08 i 48/11) i članom 187. Poslovnika o radu Doma naroda Parlamenta FBiH. S obzirom na to da se radi o jednostavnoj izmjeni, predlažem da Zakon bude razmatran prema hitnom postupku.

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno: 28-02-2014			
Org. jed.	Broj	Priloga	Vrijednost
02 - 02 -	221	1/14	28

**ZAKON O IZMJENAMA ZAKONA O ZDRAVSTVENOM OSIGURANJU
FEDERACIJE BOSNE I HERCEGOVINE**

Član 1.

U Zakonu o zdravstvenom osiguranju FBiH ("Službene novine Federacije BiH", br. 30/97, 7/02, 70/08 i 48/11) u Poglavlju II –Obavezno zdravstveno osiguranje, 1. Osigurana lica, a) Osiguranci, u članu 19. tačka 12. stav 1. riječi: „ – ako su se prijavila u roku od 30 dana nakon prestanka radnog odnosa“ zamjenjuju se riječima : „- ako su se prijavila u roku od 30 dana nakon datuma prijema rješenja o otkazu od strane poslodavca“. Ostali dio teksta ostaje isti.

U članu 19. tačka 12. stav 6. riječi: „u roku od 90 dana“ se brišu, tako da navedeni član 19. tačka 12. stav 6 glasi:

„se prijavila nakon završetka školske godine u kojoj su završila redovna školovanja, odnosno od dana položenog ispita ako su prije toga izgubila pravo na zdravstvenu zaštitu“.

U članu 19. tačka 13. riječi: „ ako se u roku od 30 dana od dana navršениh 15 godina života, odnosno od dana završetka školske godine prijave Zavodu za zapošljavanje“ se brišu, tako da navedeni član 19. tačka 13. glasi:

„djeca koja su navršila 15 godina života, a nisu završila osnovno školovanje ili se po završetku osnovnog školovanja nisu zaposlila“.

U članu 19. tačka 14. riječi: „ako su se prijavila Zavodu za zapošljavanje u roku od 30 dana od dana prekida školovanja“ se brišu, tako da navedeni član 19. tačka 14. glasi:

„lica koja su prema propisima o školovanju izgubila status učenika, odnosno redovnog studenta ili su prekinula redovno školovanje, zadržavaju pravo na zdravstvenu zaštitu u trajanju od jedne godine od dana prekida školovanja ako pravo na zdravstvenu zaštitu ne mogu ostvariti po drugom osnovu“.

Član 2.

Ovaj zakon stupa na snagu narednog dana od dana objave u „Službenim novinama FBiH“.

I – Ustavni osnov

OBRAZLOŽENJE

Prijedloga zakona o izmjenama Zakona o zdravstvenom osiguranju Federacije Bosne i Hercegovine

Ustavnopravni osnov za donošenje ovog zakona sadržan je u odredbi člana IV.A.20.(1) d) Ustava Federacije Bosne i Hercegovine, kojim je propisano, da je Parlament Federacije Bosne i Hercegovine nadležan za donošenje Zakona o vršenju funkcije federalne vlasti.

Ustavnopravni osnov za njegovo donešenje je utvrđen prilikom njegovog prvog usvajanja i ovaj zakon je do sada više puta mijenjan.

II Razlozi za donošenje Izmjena Zakona

Najčešća pojava svih ovih godina jeste da poslodavci nakon otkaza ne izdaju radnicima pisani otkaz na vrijeme koje im je potrebno za prijavljivanje u službe za zapošljavanje, te tako najčešće ostaju bez zdravstvenog osiguranja. Izmjene Zakona su potrebe kako bi se izbjegla situacija da radnici masovno ostaju bez mogućnosti korištenja zdravstvene zaštite i za njih i njihove porodice. Druga mogućnost je, takođe, potpuno ukidanje roka od 30 dana za radnike kojima je prekinut radni odnos.

Član 19. Zakona o zdravstvenom osiguranju FBiH ("Službene novine Federacije BiH", br. 30/97, 7/02, 70/08 i 48/11) u tačkama 12, 13 i 14 ograničava mogućnost korištenja zdravstvenog osiguranja u slučajevima da se navedena lica, mladi ljudi po završetku ili prekidu školovanja, ne prijave službama za zapošljavanje u propisanim rokovima. U dosadašnjoj praksi se često događa da ti mladi ljudi zbog nepoznavanja propisa o rokovima za prijavljivanje ostaju bez zdravstvenog osiguranja, što dodatno pojačava njihov osjećaj socijalne nesigurnosti, posebno zbog činjenice da se radi o ljudima koji su nezaposleni. S obzirom da je to veliki problem, a da ukidanje rokova neće bitno povećati troškove, smatram da je vrlo važno usvojiti ovu izmjenu Zakona, do konačnog donošenja novog Zakona o zdravstvenom osiguranju.

Zastupnica SDP BiH u Zastupničkom domu Parlamenta FBiH

Besima Borić,

